

Nsyõ-á sébéy gben nê wārki teki mo

Yesu Krista ye min nétēne nê-á Weyne

¹ Min nétē nê-á Weyne, ñmo tyí ye á n yo yé tyí. Nmo nê-á sò me tyi pól tyah gbí òkùlè, ápi ñ wékínó noh, té à we yíne, té à yah díkídíkí, té tũ ñ tyí.

² Nmo nê-á min nétēne, à ye ñ gblõyne á wēki. Á à we, té me ñ tyíle n yo n wah. Nmo nê-á tyé-ńkē minne n kō, ñmo tyí ye á n yo yé tyí. Nmo sò me Sú Liyel tnô, té po ñ gblõyne á wēki.

³ Áyáh ñmo nê we té ñ wékínó noh, ñmo tyí ye á n yo yépi to tyí á wró kwrónmomo yinne yéle. Képah soko, wró kwrónmomo nê-á me ápi wró ànê Sú Liyel ànê ñ Pídí Yesu Kristale, yépi to ki de ké soko.

⁴ Á ye tyi nópilè n wārki n teki n mo yé tyí, nê-á ki ápi ànê yépi ñvìñi kō kè ki syi ké yìn tyí.

Kyòo soko kólóle

⁵ Té yah, áyáh wey nê noh Yesu Krista tyí té kéle n yo yé tyí, képah ye yò: Liyelle, kyòo ye ñne. Fěntũ náh me ñ soko pólle.

⁶ Áyáh n yo ne á wró-á me kwrónmomo Liyelle, té mó tō me n ko fěntũ soko, mìnnyobe ye ále, á náh me gbi wēkìle n ko.

⁷ Nte áyáh kɪ n kɔ kyòò sɔkɔ sɔ́-á òmòle kyòò sɔkɔ, á nénúkù nùkú pól wró kɪ me kwrónmòòle wēne. Té Liyel Pídí Yesu Krista tó kɪ á tyípêl pól wu to á tyí.

⁸ Áyâh ne tyípekè náh me á sɔkɔ, á gblöy ye á n pilki, gbɪ náh me á sɔkɔ.

⁹ Nte áyâh á tyípêl wil syi, òmò nê-á Liyel tómmne té n kɔ ò tyíyónó sò, à kɪ á tyípêl yó mɔ á kó, té kɪ á wu wilki á tyíknèni pól sɔkɔ.

¹⁰ Áyâh ne á náh tyípekè pɪ, òmò ye á n pɪ mìnnyole, ò wey náh me tēnóle á sɔkɔ.

2

¹ N wēnpì, mé sébéy mēne n tɛkɪ n mɔ yé tyí, nê-á kɪ yé kó ye káh tyípekèle n pɪ. Nte káh se pɔ pɪ ònî yó tyípekè pɪ, wró tɔ́-ò me á tyí Sú Liyel yah sɔkɔ, nê-á Yesu Kristale, òmò nê-á me tómm.

² Nmò ye ò gblöy kó sárkále nê-á kɪ Liyel kó à kɪ ápi tyípêl yó mɔ. Té à náh ò gblöy kó ápi ó tyípêl yònmòò yinne dé, kèkòyó névyè pól to tyípêl yònmòò yin ye à ò gblöy kó.

Kólóle à yīne Liyel tyi kònsàhnóle

³ Áyâh Liyel tyi kònsàhnó wàlle n kɔ, képah sɔkɔ ye á kɪ pɪ ne áyáh òne n pne.

⁴ Névi nê-à ne páh òne n pne, té tē náh me n kɔ ò tyi kònsàhnó wàl yó, mìnnyo ye tēne. Gbɪ náh me tē sɔkɔ.

⁵ Nte nê wɔ-à n kɔ ò yóré yó, ò tyí me nɔ tē wɔ tyí kègbɪ tē yó. Képah sɔkɔ ye á kéle n pne ne áyáh me ò tyí yó.

6 Névi nê-à ne páh me ñ tyí yõ, Yesu-á ko dùkù nêne, tẽ to yĩne à ne n ko sěntěne.

7 N nénónó, tir kònsàhnó késán náh kéle mé n wãrki n tekı n mo yé tyí dé, tir kònsàhnó kedyâh ye kéle, nê-á yo soko yé tyí tyah gbí dùkùle. Yáh wey nê noh soko te, kèpah ye tir kònsàhnó kedyâh mène.

8 Nte fı yó ñinne, tir kònsàhnó késán ye mó tã kéle mé n wãrki n tekı n mo yé tyí. Yesu ànê yépi pi dùkù me kèpah gbule n wêki. Yé náh we di, fěntũ me n soko, kyòo yèsyìkì mó me po te.

9 Névi nê-à ne páh me kyòo soko, té mó tã me ñ yúnpi yó dyole n yo, tẽ me sě fěntũ soko.

10 Névi nê yúnpi tyí-à no ñ tyí, tẽ wo me kyòo soko. Nnî yó nítě náh n de n pi tyípékè soko ñmo gbõ yõ.

11 Nte nê-à ñ yúnpi dyole n yo, tẽ me fěntũ soko. Té wãh me n ko fěntũ soko sě, fěntũ tẽ tyí, ñ yí ki wo, à náh ñ yúkú-ńsah pĩ n pi.

Kèkõyõ ànê Krista sépébi swah dùkùle

12 N wěnpĩ, Yesu yĩn gbõ yõ soko ye yé tyípél yõ mo yé kõ. Kèpah ye mé sébéy mène n wãrki n tekı n mo yé tyí.

13 Súbí, nê-á sõ me tyi pól tyah gbí dùkùle, ye ñne n pne. Kèpah ye mé sébéy mène n wãrki n tekı n mo yé tyí. Kètěnpĩ, yé tẽ we pèkè pí-ò tyí, nê-á sétàn yòtěne. Kèpah ye mé sébéy mène n wãrki n tekı n mo yé tyí.

14 Yépi nónó-á wěnpìle, nê-á Sú Liyelle, yé òne n pne. Képah ye mé sébéy mène n wārki n teki n mo yé tyí. Yépi nónó-á súbìle, nê-á sò me tyi pól tyah gbí dukùle, yé òne n pne. Képah ye mé sébéy mène n wārki n teki n mo yé tyí. Kètēnpì, tǎhkì me yé sokò, ànê Liyel wey me n tē yé nno sokò, té yé tē we pèkè pí-ò tyí, nê-á sétàn yòtēne. Képah ye mé sébéy mène n wārki n teki n mo yé tyí.

15 Yé káh yé yí wil kèkōyó tyí, képah náh pi ké sokò kwáh yó ntē tyí. Névi nê-à ò yí wil kèkōyó tyí, Sú Liyel tyí náh fē n no n pi tē tyí.

16 Yé yah, tyi nónó-á me kèkōyó sokò, sǎ-á gblǒy dyo yíi tyi pínó dékèle, ànê yíwilkìle, ànê gblǒy wèkínóle à yuku tahrì tyí òinne, sépi sokò yó ntē náh n wil Sú Liyel tyí. Kèkōyó sokò ye sè n wil.

17 Té kèkōyó ànê ké yíwilkì kù pò n tye n pi. Nte névi nê-à Liyel dyo yíi tyile n pi, tē wò kù tē tyé-ńkēne.

18 N wěnpì, kèkōyó tye gbí ye me no n te. Yé kè noh sokò te ne Krista sépe-á kù n pò n pi. Núkúnúkú, Krista sépébi yísyó me wil mo pí. Képah n wèki ne kèkōyó tye gbí sokò-á ále.

19 Api ònkì sokò ye sépébi nópi wil. Nte kègbu yò, pè náh sò me núkúle ápile. Pàh sò me núkúle ále, pè náh nàhkì n gbe n wil n pi ápi sokò. Nte kè ye sò yíne kè pi sē, nê-á kù kè wèki ne pé sokò ney yó ntē náh sò me núkúle ápile

kègbɩ yõ.

²⁰ Nte yépi wɔle, Liyel Mirki me yé sɔko Krista-á nêne yé kõ. Képah ye yé pól kõ yé tyile n pne.

²¹ Kè náh me á kɩ ne yé kósyĩ gbɩle n pne ní kõ mé sébéy mène n wãrkɩ n tekɩ n mo yé tyí dé, yáh kéle n pne, té pĩ ne mìnì yó rítě náh n wil ké sɔko, képah ye ní kõ mé sébéy mène n wãrkɩ n tekɩ n mo yé tyí.

²² Névi nê-à ne Yesu náh Kristale, nê-á Liyel ney yáhntɔkɔnɔle, mìnɔyo yó rítě náh kah mo tẽ yõ. Krista sépe ye tẽnɛ. Sú Liyel ànê ñ Pídí Krista ye tẽ yahle.

²³ Yé yah, névi nê-à Liyel Pídí yahle, Sú Liyel náh me tẽnɛ. Té nê-à Liyel Pídí fẽ syi, Sú Liyel me tẽ wɔle.

²⁴ Yépi tẽ wɔle, yáh wey nê noh tyah gbí dùkùle, yé yĩne yè kè koh n sah yé nno sɔko. Yáh wey nê noh tyah gbí dùkùle, yáh fẽ kè koh sah yé nno sɔko, yépi tɔ wró kɩ me kwrónmɔnɔle Pídíne, ànê Súle.

²⁵ Té Pídí-á ñ vyãh kõ nê tyí sɔko, tyé-ńkẽ min ye.

²⁶ Nónó-á n yah n kõ yé yõ yíkí-ńsahle, pépi tyí sɔko ye mé sébéy mène n wãrkɩ n tekɩ n mo yé tyí.

²⁷ Yépi tẽ wɔle, Yesu-á Liyel Mirki nêne yé kõ, kè me tẽnóle yé sɔko. Képah ye, kwó-ò yétô náh tõ me yé tyí. Liyel Mirki me yéle n kwɔ tyi pólle. Té ñ kwónóno pólle mó tõ, gbɩo ye séle, mìnì náh me sé sɔko. Képah ye, yé ne me

kwrónmɔnɔle Kristale, sɔ́-á Liyel Mirki yé kwo kéle.

Liyel wěnpì pi dùkùle

²⁸ Núkúnúkú ítēne ní wěnpì, yé ye yé wró ne me kwrónmɔntě́nóle Kristale. Képah sokɔ, wáh sɔ́ nêne pɔ tíkí náh á tē n pi, ànê sen náh á kɔkɔ n sah n pi ñ yah sokɔ lésòle.

²⁹ Yé se pĩ te ne wáh me tómm té. Té yé yĩne yè kè pĩ tole ne, névi nê-à n kɔ tómm, Liyel pi-á tēne.

3

¹ Yé náh we à, á tyí kah nɔ Sú Liyel tyí, fɔ́ó à ále n ye ñ wěnpìle. Té Liyel wěnpì tē wo ye ntyínɔ ále ó. Té kèkòyó névye-á pi Liyel pí-ńkēpùle sē, képah ye pè náh fē ápi tɔ pĩ.

² N nénónó, Liyel wěnpì ye ále núkúnúkú, ñte áyáh kɔ pɔ n pi n pi kwâh nêne nsône, képah náh tɔ̀nì me wilki mɔ te. Nte á pĩ ne Krista-à pɔ wil mɔ gbí nêne, áyáh kɔ à we wáh me dùkù nêne. Képah ye, á kɔ me ñmɔ tyí kòle.

³ Névi nê gbò sàhnó-à me képah yò sokɔ Krista tyí, tē ñ gblɔy tɔ n sah yályál Liyel yah sokɔ, sɔ́-á Kristale yályál.

⁴ Névi nê-à tyípékèle n pi, tē me Liyel tyi kònsàhnó dèlle n pi. Tyípékè pínóle, Liyel tyi kònsàhnó dèl pínó ye kéle.

⁵ Nte yé pĩ ne Krista pónó yò-á pi tyípèl tēnyò́nóle névye yò. Tyípékè náh me ñmɔ sokɔ pòlle.

⁶ Névi nê-à me Krista tyí yõ, tẽ náh tyípékèle n pi. Nte nê-à tyípékèle n pi, tẽ náh à we yah, à náh òne n pne.

⁷ N wẽnpì, yé káh ye ònî yó òtẽ yé pilki. Névi nê-à n ko tómm, négbí ye tẽne Krista tyí kõle.

⁸ Té névi nê-à tyípékèle n pi, sétàn yõtẽ tyí névi ye tẽne. Yé náh we di, sétàn yõtẽne, tyípékè pí-ò ye òne tyi pól tyah gbí dùkùle. Liyel Pídí-á pò tir nê yinne, sétàn yõtẽ tyípínì ykì yin ye.

⁹ Névi nê-à pi Liyel pile, Liyel pi dùkù n ne n me tẽ sokò. Képah ye tẽ náh tyípékèle n pi. Wáh pi Liyel pile sê, à náh fẽ tyípékè pi n pi.

¹⁰ Liyel wẽnpì ànê sétàn yõtẽ tyí-á n wah n pne wẽ sokò dùkù nêne, kè we yò: Névi nê-à n kó-ńkẽne tómm, Liyel tyí névi náh tẽne. Névi nê to yúnpi tyí-à nó-ńkẽne n tyí, Liyel tyí névi náh tẽne.

Wẽ wró tyínòle

¹¹ Yé náh we di, yáh nê noh tyah gbí dùkùle képah ye yò ne ńkẽ, áyáh yĩne á ye á tyí no wẽ tyí.

¹² Á ye káh pi Kayin tyí kõle. Sétàn yõtẽ tyí névi ye sò òne. A n gbẽndí ko mọ. Nte tir nê yin me à ko mọ òne? Nmọ tyípínó-á sò me kètúkùyô Liyel yah sokò té n gbẽndí tyíle palle, képah yõ ye.

¹³ N yúnpyé, kèkõyó névyè-à yé dyòle n yò, yé káh n ye kè pi gbẽndùnne yé tyí.

14 Ápi tẽ wɔɛ, á yúnpyé tyí-á nɔ á tyí sě, á pĩ ne áyáh tẽ syi te kũ gbò sɔkɔ, té min wɛ. Nte tyínɔnɔ-à n kne névi nê sɔkɔ, ñmɔ me kũ gbò sɔkɔ.

15 Névi nê tẽ-à fyò ñ yúnpi dyɔɛ n yɔ, nékókè mɔ-ò ye tẽne. Té yé se mɔ tõ pĩ ne tyé-ńkẽ min náh me nékókè mɔ-ò yó ńtẽ tyí té.

16 Yé yah, Krista-á ñ min kõ ápi yĩnne, képah sɔkɔ ye ápi me tyínɔnɔ òkù pĩ. Ápi tɔ yĩne à á min kõ á yúnpyé yĩnne.

17 Nte kèkõyó tahrɔ-à me ñnî yó tyí, té à ñ yúnpi yó wɛ yãm sɔkɔ té yahle ñ yãm yáhnóle, Liyel tyínɔnɔ náh me tẽ sɔkɔ.

18 N wěnpĩ, ápi tyínɔnɔ káh n pi wey ànê vyáhsesyírí ó sɔkɔ dé. Á tyípínó yĩne kè kéle n wěki kègbɔ tẽ yõ.

19 Képah sɔkɔ ye á kɔ pĩ ne áyáh me gbɔ wěki yõ, ànê á nno kɔ me yínnóle Liyel yah sɔkɔ.

20 Ápi nno-à sõ me lékàhle ále n kõ sõ, Liyel nê-á gblò kal, ñmɔ tyi pólle n pne n kal ápi nnoɛ.

21 N nénónó, á nno-à kɔ lékàhle ále n kõ-ńkẽne, tíki náh á tẽ n pi Liyel yah sɔkɔ.

22 Té áyáh me ñ tyi kònsàhnó wàlle n kɔ, té ñ dyo yí tyile n pi, képah ye áyáh kwáhdúkú nê yah kõ ñ tyí, à kɔ kéle á kõ.

23 Wáh nê kõ sah á kõ képah ye yò ne ńkẽ, á sě pé Pídí Yesu Krista yĩn yõ, á mɔ ye á tyí nɔ wě tyí sõ-á à kõ sah kéle á kõ.

24 Névi nê-à Liyel tyi kònsàhnó wàlle n kɔ, tẽ

kɪ mɛ Lɪyɛl tyí yõ, ànê Lɪyɛl kɪ mɛ tɛ̃nɛ. Sõ-á á kɪ pɪ té kɪ pĩ nɛ Lɪyɛl-á mɛ áɛ, ò Mirki gbõ yõ ye, wãh képah nễnɛ á kõ.

4

Liyel tyi wàhnpĩnɔɛ sépe tyí soko

¹ N nénónó, névyɛ nónó-á nɛ Lɪyɛl Mirki gbõ yõ-á pé n yo tyɪɛ, yé káh n sɛ pé pól yõ dé. Yé pè sohlɪ n yah, yè ké gbɪ pĩ Lɪyɛl Mirki gbõ yõ-á kɪ nê ntyĩnɔ pè n yo tyɪɛ. Yé náh wɛ di, Lɪyɛl yĩn yõ mɪnyobe mɛ tõ mɔ pí kèkõyó.

² Lɪyɛl Mirki-á n tɛ nónó yahɛ, yáh nɛ pè pĩ n pi dùkù nễnɛ, kè wɛ yò: Yáh névi nễ wɛ à mɛ n yo nɛ Yesu Krista-á pɪ névɪɛ, Lɪyɛl Mirki ye n tɛ tɛ yahɛ.

³ Ntɛ nê-à nɛ sɛ náh, Lɪyɛl Mirki náh n tɛ tɛ wɔ yahɛ. Krista sépe mírki ye n tɛ tɛ yahɛ. Yé kè noh sah tɛ nɛ, Krista sépe-á kɪ n pɔ n pi. Té núkúnúkú, à mɛ tɛ kèkõyó n̄tɛ̃nɛ.

⁴ Yépi wɔɛ ní wɛ̃npĩ, Lɪyɛl tyí névyɛ ye yéɛ. N Mirki nê-á n tɛ yé yahɛ, képah tãhkì kal sètãn yòtɛ̃ mírki tyíɛ, képah nê-á kèkõyó névyɛ yahɛ n tɛ. Képah ye, yé tɛ̃nwenɔ wɛ Lɪyɛl yĩn yõ mɪnyobe yõ.

⁵ Pépile, kèkõyó tyí ye péɛ. Képah ye, pè pé tyɪɛ n yo à yĩnɛ kèkõyó névyɛ tyi yo dùkùɛ, tɛ kèkõyó névyɛ n mó pé níɛ n kwɔ pé tyí.

⁶ Ntɛ ápi mɛ Lɪyɛl tyí yõ. Névi nê-à Lɪyɛllɛ n pnɛ, tɛ ò níkíɛ n kwɔ ápi tyí. Té névi nê-à mé-ńkɛ̃nɛ Lɪyɛl tyí yõ, tɛ náh ò níkíɛ n kwɔ ápi

tyí. Sěntě soko ye Liyel Mirki nê-á névyele n mo gbɩ wě̀kì yõ, à n tẽ n we ñne n wah sétàn yõ̀tẽ tyí soko, ñmo nê tyí-á névyele n pilki.

Tyínɔɔ nê-á me Liyel soko

⁷ Tyínɔɔ n wil Liyel tyí. Tyínɔɔ-à me névi nê soko, Liyel pi ye tẽne, ànê tẽ Liyelle n pne. Képah ye n nénónó, á ye ye á tyí no wě tyí.

⁸ Liyelle, tyínɔɔ Liyel ye ñne. Képah ye, á náh fẽ n yo n pi ne wáh ñne n pne tyínɔɔ kẽne á soko.

⁹ Yé yah, Liyel-á kè wě̀kì òkù nêne ne á tyí-á no pé tyí, kè we yò: Pi núkúní nê-á me ñ tyí, à à tekɩ mo kèkõyó, ápi kõ á kɩ min we ñmo gbõ yõ.

¹⁰ Tyínɔɔ-á nêne, kè we yò: Liyel tyí-á no ápi tyí òkù nêne, képah náh tyínɔɔ kègbɩle dé. Ápi tyí-á no Liyel tyí no òkù nêne, képah ye tyínɔɔ kègbɩle. Yé náh we à ñ Pídí tekɩ mo à po pi sárkále ápi tyípêl yõ n mo yinne di?

¹¹ N nénónó, ápi tyí-á no Liyel tyí sě à, ápi to yĩne á tyí no wě tyí mó kè.

¹² Nnî yó ñtẽ yí náh tẽ yah Liyel yõ. Nte ápi tyí-à me no wě tyí, á me ñ tyí yõ, ànê ñ tyínɔɔ me ápi soko yèsyìkì tẽne.

¹³ Liyel-á ñ Mirkile á kõ, képah ye á kõ á pĩ ne áyáh me ñ tyí yõ, ànê wáh me ále.

¹⁴ Sú Liyel ye ñ Pídí tekɩ mo kèkõyó névye pwah n mo yinne. Ápi yí ye kè we, képah ye á kõ á kéle n yo n wah.

¹⁵ Névi nê tẽ-à fyò yo ne nkẽ Yesu-á Liyel Pídíne, Liyel me tẽne, ànê tẽ me Liyel tyí yõ.

16 Ápi tyí-á nɔ Liyel tyí dùkù nêne, ápi tẽ wɔ ye kéle n pne, ànê á sã ké yõ. Liyelle, tyínɔnɔ Liyel ye ñne. Tyínɔnɔ-à me névi nê sɔkɔ, tẽ wɔ me Liyel tyí yõ, ànê Liyel me tẽne.

17 Tyínɔnɔ-à me yíi ápi sɔkɔ, á me á minne n pi kèkõyó Yesu Krista tyí kõle. Képah sɔkɔ, tíkí náh á tẽ n pi Liyel tukey take sõle.

18 Yé náh we di, Liyel tyínɔnɔ-à me névi nê sɔkɔ, tíkí náh tẽne n tẽ. Té wáh me n sõ ne á tyípêl wɔ-á kɩ pɔ n de n pi á sɔkɔ, képah ye n pɔ n pɔ tíkíle. Nte tyínɔnɔ kègbɩ wɔ tíkí yahle n kõ. Tíkí tẽ-à fyò me névi nêne n tẽ, tyínɔnɔ náh me yíi tẽ sɔkɔ.

19 Liyel ñgbò ye ápi tyí nɔ ñ gblõy tyí, képah ye tyínɔnɔle ápi to sɔkɔ.

20 Névi nê-à ne Liyel tyí-á nɔ pé tyí, té mó tõ me ñ yúnpi yó dyɔle n yɔ, mìnyo ye tẽne. Tẽ yí-á me ñ yúnpi nê yõ, ñmɔ tyí-à nó-ńkẽne ñ tyí, sõ me Liyel tyí kɩ pɔ n nɔ ñ tyí, ñmɔ nê-á à náh à we yah?

21 Té Krista-á nê kõ sah á kõ, kè we yò ne ńkẽ, Liyel tyí-à me nɔ névi nê tyí, tẽ yúnpi to tyí-á yĩne kè nɔ ñ tyí.

5

Yõre nê-á n we Liyel Pídi yõ sãnó gbò yõ

1 Névi nê-à sã ké yõ ne Yesu-á Kristale, nê-á Liyel ney yáhntɔkɔnɔle, Liyel pi ye tẽne. Té Sú Liyel tyí-à nɔ névi nê tyí, Liyel wěnpì to tyí n nɔ tẽ tyí.

² Liyel tyí-à nɔ ápi tyí, té á me n̄ tyi kònsàhnó wàlle n kɔ, kèpah sɔkɔ ye á kɪ pĩ ne Liyel wẽnpĩ tɔ tyí-á me nɔ á tyí.

³ Á náh we di, Liyel tyi kònsàhnó wàl kóló ye n wẽkɪ kéle ne n̄ tyí-á nɔ á tyí. Té n̄ tyi kònsàhnó náh me táhnóle,

⁴ á pól-á sɔnpíle pɪ Liyel wẽnpíle té n tẽ n pne kèkõyó tyí. Té tir nê-á á kɔ á n tẽ n pne kèkõyó tyí, á Yesu yõ sɛnó ye.

⁵ Nte nê n tẽ n pne kèkõyó tyí wé? Névi nê-á sɛ ké yõ ne Liyel Pídí-á Yesule, òmɔ ye.

Yesu Krista tyí yónwàhnóle ne Liyel Pídí-á òne

⁶ Yesu Krista ye pɔ wel wilki ni sɔkɔ. Kèpah náh, à ko mɔ n̄ tó kwɛ. Té à náh pɔ wel wilki ni ó sɔkɔ dé, à ye pɔ wel wilki ni sɔkɔ, té ko mɔ n̄ tó kwɛ. Kéne tyinɔ nínó ànê Liyel Mirki ye n yo n wah kéle. Yé náh we di, Liyel Mirki ye n wẽkɪ gbule gbíme gbí.

⁷⁻⁸ Liyel Mirki-á nê yo, ànê ni-á nê wẽkɪ, ànê tó-á nê wẽkɪ, sépi tɔnó ye n yo n wah kéle. Té sé tɔnó pól me sah núkú ó yõ.

⁹ Névyè-á tyi nónó we té séle n yo n wah, áyáh me sépile n fẽ n syi à, òte Liyel tyi yónwàhnó náh fónfó névyè tyí yõ di? Té Liyel ye mó tɔ yo wah n̄ Pídí tyíle.

¹⁰ Névi nê-à sɛ Liyel Pídí yõ, n̄ tyí yónó mè ye tẽ tẽ sah n̄ nɪ sɔkɔ. Nte nê-à sɛ-ńkɛne Liyel yõ, tẽ me Liyelle n pɪ mìnnyole, wáh sɔnpíle yahle

sěńóle Liyel tyíyóné mè yõ, wăh nê yo ñ Pídí tyí soko.

¹¹ Tyíyóné mè we yò ne, Liyel-á tyé-ńkě minne á kõ, nê-á n we ñ Pídí gbõ yõ soko.

¹² Névi nê-à me Pídí tyí yõ, kene min me tẽ wo tyí. Nte nê-à mé-ńkěne ñ tyí yõ, min mè nâh me tẽ tyí.

Tyé-ńkě min tyíle

¹³ Yépi nónó-á sě Liyel Pídí yõ, mé ye tyi nópile n wărkı n tekı n mo yé tyí, nê-á kı yé kõ yé kı pı ne yâh tyé-ńkě min we.

¹⁴ Api sěnyĩno-á me Liyel yõ nê tyí soko képah ye yò ne ńkě, áyâh kwâh nêne n ni ñ tyí té kè me ñ dyo yĩine, ă nóhnó pi á tyí.

¹⁵ Té áyâh fyò kè pı ne wăh me nóhnóle n pi á tyí, á pı yĩi tole ne, áyâh kwâh nê ni ñ tyí, ă kè we.

¹⁶ Nnî yó-à ñ yúnpi yó we à me tyípékèle n pi, nê-á kè nâh névi min tyíle n yıkı Liyel yah soko, tẽ níri pi ñ tyí, Liyel kı tyé-ńkě minne tyípékè pí-ò mè kõ, kâh me ne tyípékè nê-á à pi, kè nâh névi min tyíle n yıkı Liyel yah soko. Té tyípékè yó me nê-á névi min tyíle n yıkı Liyel yah soko, képah dükù tyí nâh mé n yo ne yé níriłe n pi ké tyí soko dé.

¹⁷ Tyi nónó pól tẽ-à fyò me tyíkněnìne, tyípél ye séle. Nte tyípél pól nâh névi min tyíle n yıkı Liyel yah soko.

¹⁸ Api pı ne névi nê-à pi Liyel pile, tẽ nâh tõ tyípékèle n pi. Liyel Pídí ńkěne ne me tẽ yõle n

syɪkɪ, képah ye pèkè pí-ò nê-á sétàn yòtɛnɛ, à
náh fẽ tir yó pi n pi tẽ sokɔ.

¹⁹ Ápi pĩ ne ápi-á me Liyel tyí yõ, té kèkõyó
pól tẽ wɔɛ, pèkè pí-ò mè me képahle n fnɛ.

²⁰ Ápi tõ pĩ ne Liyel Pídí-á pɔ, ànê wăh
lékámne á kō á tẽ wɛ Liyel yèsyìkìle n pnɛ.
Nmɔ Liyel nê-á yèsyìkìle, ápi wró me
kwrónmɔnɔɛ òmɔɛ ò Pídí Yesu Krista gbò yõ.
Nmɔ ye Liyel yèsyìkìle, ànê tyé-ńkê minne.

²¹ N wěnpĩ, yé yé gblõyne n tẽ sãh fálnó tyile.

Toussian, Southern
The New Testament in the Southern Toussian
language of Burkina Faso: toussian du sud: wĩn
nìvìnì tirlɛ New Testament
Nouveau Testament en toussian

copyright © 2013 Wycliffe Bible Translators, Inc. in cooperation with
ANTBA

Language: Southern Toussian (Toussian, Southern)

Contributor: Wycliffe Bible Translators, Inc.

All rights reserved.

2025-07-09

PDF generated using Haiola and XeLaTeX on 11 Mar 2026 from source
files dated 9 Jul 2025

aaf2875e-90b5-5c14-b910-61579d3da2c7